

պատմութիւնը: Իգգիլը, Իգգիլը...

Սաթօն երկայնահասակ, նիհար մի աղ- ջիկ է: Ինչ որ առնական բան կայ մէջը. ան- արբտունջ աշխատում է եւ անդադար խօսում: Երբեք չկարողացայ իմանալ՝ քանի՞ տարեկան է: Լաւատես է, չնայած որ ունեցած չունեցա- ծը թուրքերը տարել են եւ բերած մի քանի ոսկին էլ եղբայրները յափշտակել են:

«Դրանց տունը քանդուի, մեր տունը քան- ղեցին»:

Ու անդադար աշխատում է:

\* \* \*

— ... Ընտանիքը եւ պետութիւնը:

Եթէ լաւ մտածել, հին խմաստով, ոչ ըն- տանիք կայ եւ ոչ պետութիւն:

Ընտանիքը, չուարած, աղտի եւ թշուա- տութեան միջից, ձեռքերը կարկառում է փո- դոցին: Փողոցը, ոտքը կոտրած շան նման, պո- չը սեղմած, ցատկուտելով, պատերի տակ մըր- մըրում է եւ աղքատ ամբողջների ետեւից վա- զում: Պետութիւնը՝ հին այս սպրանքների մօտ կանդնած՝ եւրոպական մեր գործարանների ցանկերն է նայում եւ ձեռքը գլխին ո՛՛ջիլ որ- սում:

Ամէն ոք փլած չէնքի տակն է պատասպար- ուել եւ վախով սպասում է, թէ չլինի՞ որ նո- րից երկիրը շարժի եւ պէտք լինի նորից փախ- չել:

«Առայժմ»: Հալա...

Երկիրը առժամանակեայ բնոյթ է կրում: Ինչ կը լինի, չի լինի: Հալա այդպէս անենք, յետոյ կը տեսնենք: Ընտանիքը, փողոցը, պե- տութիւնը անստոյգ ճօլօրիկի վրայ տատան- ւում են եւ մտահոգ վեր նայում:

Գիշերը լեցուն է ստուերների սեւ ծակե- րով:

Յորեկը, մի բուռ սառը հով ձեռքին, կուրծքերի դէմ բռունցք է կարկառում եւ գա- ուիվերից մէկ ոտքի վրայ չմչկելով վար նետ- ւում: Քաղաքի բնակիչները, վախին վարժ, կոտրած մայթերի վրայ դուրս ցցուած մի քար են փնտրում եւ իրենց թաց ոտքերը վրան սեղմում:

Ընտանեկան փեթակի վրայ ծանր քար է ընկել, եւ ամէն ինչ ճղմել: Մոմէ պատերը վը- րայէ վրայ են ընկել, մեղուները խենթացել են

եւ թագուհու աղիքների մէջ հագարաւոր սեր- մերը ապշած կանգ են առել եւ էլ չեն զարգա- նում:

Չնայած որ «Ձախը» առաջարկում է ա- զատ սէր՝ մէկ ուրբի ամուսնութեան համար եւ մէկ ուրբի ապահարգանի համար, սակայն, նոր այդ զուգաւորումները պատասպարելու հա- մար սենեակ չկայ: Անկողինների մէջ անձկու- թիւնը մլուկների սիրտն է ծաշում եւ վերմակ- ների ծալքերը գերեզմանատան վերածում:

Քաղաքը դուրս է ցցել իր պատուած ստամոքսը եւ բծաւոր տիֆօն եւ մալարիան ազատ ման են գայլիս, Զինուորական Ակումբի երաժշտական խմբի անկարելի ընկերակցու- թեամբ:

Կառավարութիւնը, ամբողջ կազմով, կանդնել է հրապարակի վրայ եւ սեւ այս աշ- խարհին բարեւ է տալիս:

Ու երբ, քաղաքի շքերթին մասնակցելուց յետոյ, ուժասպառ, ցեխերի մէջ կորած, ջրա- կոյտերի վրայից ցատկելով, մէկը վերադառ- նում է տուն եւ փողոցի դռնից հագիւ ներս մտնելով քիթը զարնում է լուբիայի անտանելի հոտին եւ աչքերը խոհանոցային ամէն տեսակ առարկաներին, բնական է, որ նա զայրանայ եւ խեղճ Սաթոյի Իգգիլի բաղբի պատմու- թիւնը այլեւս չուզէ լսել:

— Դէ, եթէ վարադոյր չկայ, ի՞նչ պիտի անել,— ասում է Սաթօն եւ պայտուակները նորից բաց է անում, մէջտեղ է հանում հին շա- պիկ եւ վարտիք, սաւան, չորի եւ մետաքսի կտորներ, չափում է, մտածում, հաշիւ անում:

— Չէ, — ասում է, — դրանք չեղան: Դը- րանց համար բիծայից կարագ կ'առնեմ, վար- տիքը կաթի դէմ կը փոխեմ, մետաքսով մի հաւ կ'առնեմ:

Վանայ ժածիկ:

Դարալագեազի պանիր:

Մի քիչ ցորեն, մի քիչ չորթան: Չիր: Լուբիա:

Սաթօն ընտանեկան տնտեսութեան ջիղն է, ելիւմտական հանձարը, շինարար ոգին:

«Այս պատուած վարտիքը, — յայտարա- րում է նա, — աւելի արժէ, քան քու տուն բե- րած թղթէ միլիարդները:

Մի օր էլ, Սաթօն, յաղթական, բարձրա-